



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 134. Calvinistæ Parisiis severe castigati.

[urn:nbn:de:hbz:466:1-66800](https://nbn-resolving.org/urn:nbn:de:hbz:466:1-66800)

Medicæa ejus Mater, ac Guisii id sua-
 derent, jam tum actum, ut Rex supre-
 mum jus, ac Imperium, quod in Bar-
 rensi Principatu habebat, in Lotharingiæ
 Ducis sororii sui gratiam abdicaret: un-
 de Franciscus II., cum nimium facilis ef-
 fet, atque ob ingenii sui imbecillitatem
 hujus consilii perversitatem haud appre-
 henderet, Reginæ sollicitationibus a-
 quievit, editoque Regio diplomate om-
 nibus in Barensem Ducatum juribus se-
 se abdicavit, sibi duntaxat reservato fi-
 delitatis juramento, homagio, ac ju-
 risdictione. Postea Rex Barro Catalau-
 num ad Matronam, & inde fontem
 Bellaqueum processit, ubi aliquo tem-
 pore substitit.

Sæcul. XVI.
 A. C. 1559.

§. CXXXIV.

Calvinistæ Parisiis severe castigati.

Interea ad reprimendam Calvinistarum
 proterviam opportuna quærebantur
 media; nam hi indies audacia, & pe-
 tulantia magis, magisque crescentes
 ubique seditiones concitare, ac plena li-
 bertate in variis Provinciis suos con-
 ventus agere cœperant: ut ergo ejus-
 modi ausibus obviaretur, Franciscus II.
 edictum promulgari jussit, quod Anno
 Christi millesimo quingentesimo quin-
 quagesimo nono die vigesima tertia No-
 vembris ad Parisiensis Senatus tabulas

Belcar. com.
 l. 28. n. 37.

Q 2

rela-

Sæc. XVI.
A.C. 159.

relatum fuit, eoque Rex severe caverat, ne cujuscunque generis conventicula, ac nocturni congressus fierent, in quibus sub Religionis obtentu (inquietabat Rex) scelera adeo abominanda perpetrantur, ut absque horrore ea memorare haud liceat. Insuper præceperat Rex, ut ædes, in quibus ejusmodi conventus fierent, solo æquarentur, nec ullo unquam tempore rursus exstrui permitterentur. Præter hæc sanxit, ut in quolibet Senatu Curia erigeretur, in qua nonnisi Religionis causæ discuterentur, quæ Curia vulgo ardens appellabatur, eo quod ibidem omnes hæresi suæ pertinaciter insistentes rogi supplicio punirentur: unde Santandreano Præsidi, atque Antonio Demochari hæreticæ pravitatis Inquisitori suum Religionis studium exerendi occasio præbebatur, ad quam rem administri erant Russangius, & Claudius David aurifices, necnon Georgius Renardus sartor, qui olim novam sectam professi, jam vero ad Ecclesiæ sinum reversi, plures Calvinistas accusabant, eorumque crimina omnino atrocia, & maxime infamia detegebant. „Nos, ajebant, cum forte in ædibus „cujusdam advocati in Mauberti platea, „quo magnus virorum, ac foeminarum „omnis conditionis numerus confluerat, ejusmodi conventus haberetur, illi „inter-

„interfuimus, ubi & post appositum, at-
 „que paschalis agni instar a singulis de-
 „gustatum porcum lactentem, sublato
 „lumine cuncti in vagam libidinem ef-
 „fusi sunt. „ Itaque hi accusatores ad
 Cardinalem Lotharingium deducuntur,
 qui illos coram Regina Matre sisti voluit,
 ubi mox quoque Advocatus, in cujus
 ædibus hæc conventicula fuere celebra-
 ta, unacum conjuge, & filia sua com-
 prenditur, eorumque audiuntur tes-
 tes, qui tamen mendacii, ac calumniæ
 convicti fuere: nec tamen propterea in-
 ultum remanebat eorum crimen, præ-
 valente adversus accusatorum innocen-
 tiam publico odio, quapropter ex iis,
 qui hisce conventibus intererant, plu-
 rimi in vincula coniecti fuere.

§. CXXXV.

*Famosi Calvinistarum libelli contra
 Franciæ regimen, eorumque con-
 futatio.*

Calvini Sectatores, quamvis ista cri-
 mina ipsis perperam imputata po-
 tius justa defensione, atque intra debi-
 tæ moderationis limites diluere debuif-
 sent, proterve infames prorsus libellos
 contra Reginæ, & Guisiorum Princi-
 pum auctoritatem divulgabant, petu-
 lanter effutientes, quod nullum eis Re-
 gnum

Sæcul XVI.
 A.C. 1559.

Thuan. l. 23.